



Tuhaqtittitjut

Nutaaq Naunaitkutaa Naunairutigiya Nunavut Hanauyaliuqhimayainnut

IQALUIT, Nunavut (Taaqirmun Aullaqtirvia 8, 2009) Peter Taptuna, Nunavutip Ministanga Piangaiyarniarnirmun Ingilrayuliyitkullu, tuhaqtittiyuq ublumi nutaamik naunaitkutamik tamainnut Nunavunmi hanauyaliuqhimayanut. Nutaaq naunaitkutighaa piinnarialaqaqniatuq tamainnut Nunavunmi hanauyaliuqpaqtunut naunairoangani hanaugaliuqhimayainnik aallangavlutik Nunavunmi hanauyaliuqhimayuni.

“Una *Allangayuq Nunavunmi* naunaitkutaq ihuaqhiutiginiaqtaa aghuurutigivaktaptingnut taimaa hanaugaliuqhimakpiaktunut atuqpaqtunik ukiuqtaqtumi Inuitlu hanaugaliurutaanut, kihimi hanauyaliuqhimayut Hivuraani Kanatami humiluuniit,” uqaqtuq Minista Taptuna. “Hanauganik niuvikpaqtut ilihimaliqniaqtut tatja hanaugaliuqhimayut piqaqqata taaffuminga Nunavut naunaitkutaanik, hanaugaliuqhimaniaqtuq”.

Nunavunmi hanaugayuktut titirainnarialgit aturumalugu Nunavut Naunaitkutaa akilikhihimaittumik. Nipitigakhat naunaitkutitlu piyaungitnarialgit hanauyaliuqtunut mikiyumik akilikhilutik.

Nutaaq naunaitkutighaa pihimayuq ihuaqhiutigiyumavlugu, himmautigihimaittumik, the traditional “Iglu Naunaitkutaq” naunaitkutighaa naunaiqhimayaangitni Kanatamiutat Inuit hanaugakhimayait.

“Nunavunmi hanauyaliuqhimayut naunaiktauniaqtut hivuliqmik taaffumunga Nunavutip naunaitkutariyaanut, taimaatauk, hanauyaliuqtuq Inuugumi, illirilugu taamna iglu naunaitkutlu,” naunaikhipkaiyuq Theresie Tungilik, hanauyanut uqaqtiji talvani Piangaiyarniarnirmun Ingilrayuliyitkullu.

Piksaa atuqtauyuq talvani “Nuna Naunaitkutaani” pihimayuq naunaitkutaanik tahapkunani Nunavunmi hanaugaliuqhimayuni.



Hiqiniq Ukiuqtaqtumi hiqiniyuq, naqittuq qilangnuami. Quriqtaq tahapkuatlu hiqiniup avatarutaa naunaitkutaa hiqiniup nuiliraangami piniqhivakkunganaqhiyuq hila patungnaqhigaangat.

Aryiqtaq imak avatinga qaqqukhivaktuq upinngaatuq ukiakhamiluuniit hikutut.

Nunami hungayaaqtuq nunanga naunaittuq Nunavutip nunauyaa – angmayuq, unghaktut qingauttat, hitukkaktuq mayukqaqtuklu nuna, hinaalu taquyupluni immarikhunilu imak.

Hanaugaliuqtit titirumayut aturumavlutik taaffuminga Nunavutip naunaitkutaanik uqaqvigiyaakhait Piangaiyarniarnirmun Ingilrayuliyitkullu uumani 867-473-2679.

###

Tuhaqtitjutinut apiqhuutikhangnut, uqaqvigilugu:

Matthew Illaszewicz
Ataniq, Tuhaqtitautjuitkhanut
Piangaiyarniarnirmun Ingilrayuliyitkullu
867-975-7818
millaszewicz@gov.nu.ca